

## **Ko beyditaa**

**Sardiiji wiitinde ndeenaagu cuudi lekkol e iniversittiji e nawtoragol majji e soldaasiibe wakkati konuujji.**

Yimbe adube kabitirde (malfe) fa kaba na hadaa nawtoraade cuudi lekkol e iniversittiji dow ko laati fu, no dum waawiri wallude tinnitaare soldaasiibe fu. Fay ko dum annditana yoga nawtoragol majji lunndaaki sariya konuujji, pelle kabeteebe na njeji tinnitoo faa taa pergoo dow ndeenaagu e jannde sukaabe lekkol e nawtoraade ko rewteei dum hono tinndinoore bannal gollal kakkildo.

**Sardi wiitinde 1:** cuudi lekkol e iniversiteeji gollooji njejaa no laatori fu nawtoreede e yimbe jogiibe kabitirde na kaba bannal mballa tinnitaare soldaasiibe

(a) o sardi na habbodii e cuudi lekkol e iniversittiji ommbaadi ley wakkati seeda caggal wawtu jannde, ley ñalaade de janngataake e wawtu powtiri e wakkati ommbaade jannde.

(b) yimbe kabeteebe e malfe njejaa nawtoraade sembe fa ndoolda yimbe, saabaade dillugol hooreebe jannde cuudi lekkol e iniversiteeji fa heba be nawtoroo di bannal mballa tinnitaare soldaasiibe.

**Sardi wiitinde 2:** cuudi lekkol e iniversiteeji njoppaadi maa di yimbe mubben mburtina saabe masiibaaji di konu saabato njejaa nawtoreede e yimbe kabeteebe njogiibe malfe bannal mballa soldaasiibe, so wanaa ley wakkati cattudo do daliili fu walaa, tawa du no dum booyiri fu dabere wonnde walaa caggal nawtoragol cuudi lekkol e iniversiteeji, dum tan won laawol goodugol fa heba burdal soldaasiibe fotondura. Nibdiiji goddi na njeji saaneede hono daliliji lobbi dey nawtoree, ko buri fu cuudi lekkol e iniversittiji, fay so di tawaaka dow nokku muuyaado maa dow nokkuuje konu, dum so wanaa tawe nibdiiji diin na ngoodi ndeenaagu ley haanere huufunde adunaaru fu ndagu (cuudi doktoro) e hakkillande kee pelle gonude e luural

na njeji wakkati fu adude dabareeji lobbi baawdi tabintineede banngal ndeenaagu jawdi sivil en e hippagol.

(a) nawtoragol cuudi lekkol e iniversiteeji njoppaadi maa yimbe mburtinaabe jeyaano booyde hakke wakkati tisuldo tan.

(b) Cuudi lekkol e iniversiteeji njoppaadi maa di yimbe muudum mburtina nawtorteedi e wonube ley konu e pelle luurube jom en malfe e mballa tinnitaare soldaasiibe na njeji taweede e hegaare fa mballa hooreebe jannde omtude jannde , dum na waawi wadeede caggal dillugol luurube. Dum tawa farritere fu walaa banngal ndeenaagu sukaabe lekkol e hawjiibe jannde.

(c) Yaabere maa alaama holloore sifa soldaasi maa semmbingol maanda muudum na njeji yaltineede caggal dillugol kabeteebe, woodi tinnitaare fu na jeyi wadeede fa moyfina ley ko buri yaawude fu bonondaaji di wolde saabi dow ñibdiiji e sarwisiiji. Ko buri fu, kabitirde fu, jebe malfe e bommbuujji maa kedde konu de pusaay na njeji itteede ley joonde mabben.

**Sardi wiitinde 3:** cuudi lekkol e iniversiteeji njejaa bonneede abada hono no sardi hadirii nii fa tawee kabeteebe fu mbaawaa nawtoraade di ley wawtuuji garooji, cuudi lekkol e iniversiteeji no di laatori fu nde di omtiidi, nde di ommbiidi ley ñalooma maa wakkati powtiri, to yimbe mburtina maa cuudi njoppaadi-yo jawdi ndi mbaadi sivil en.

**Sardi wiitinde 4 :** soni fedde habortoonde malfaaji wadi ndaaka (joodorde) muudum ley cuudi lekkol maa iniwersiteeji, diin cuudi na mbaawi laataade huunde sappaande hakkunde habdiibe. Fedde wootere na waawi hippaade fedde wonunde ley diin cuudi. Ndelle habdiibe mabbe na njeji sappande wonube e janngirde deen faa be cela nawtoraade cuudi lekkol fadde mabbe e hippaade be.

(a) fadde e fedde hippaade cuudi lekkol laatidi huunde ko sappa, habdiibe na njeji wattande sukaabe hiilngo sabu be njogii kaaneeji teddufi hono yaageede e reeneede. Ko jey watteneede faa haanden hiilngo tawee na teddi woni bonanda baawudo

wadude ley cuudi lekkol. Bonanda oon na waawi laataade rafi lekkol ley wuro maa bonnugol lekkol gonudó ley wuro.

(b) ko fedde habdoore e malfaaji nawtortoo cuudi lekkol maa iniwersiteeji banngal tinnitaare soldaasiibe, haanaa laataade saabaabu faa fedde habdeteende heddoon na nawtoroo cuudi lekkol faa wallita dūm. Ko buri woodude fu, ley no yaawiri du, tawee ko hollata yalla yaabeere maa ko reenannoo fu ittaama e cuudi lekkol, sakitoo diin cuudi kokkatee hooreebe wuro sivil en faa di nawtoree banngal jannde.

**Sardi wiitinde 5:** feddeejji kabdooji e malfaaji kaana nawtoreede faa ndeena cuudi lekkol maa iniwersiteeji soni wanaa daliili goddo fu walaa. Ko buri woodude yo ekintingol yimbe bolbe (sivil en) no cuudi lekkol e iniwersiteeji ndeenirtee. Soni tilsi, sukaabe, janngoobe et janngingoobe (golloobe) na kaani mburtineede e cuudi lekkol dey njaaree nokkuure hoolniinde.

(a) Sini tawi kee feddeejji kabdooji e malfaaji ndaranake reenude cuudi lekkol maa iniwersiteeji, ina haani tawee kee naatugol mabbe ley baade maa ley cuudi lekkol maa iniwersiteeji heewaa/duudaa, soni wanaa noon fu, dūm bonnanan lekkol mbaadi muudum ko sivil en, woodi dūm bonnan nokku jannde.

**Sardi wiitinde 6 :** feddeejji kabdooji e malfaaji fu na kaani nawtoraade dii sardiiji ley goondinal mubben, ley dewte mubben banngal minteragal (siiji kabitirde, no gollal yahrata, sordaasiibe taweteebe e no dūm fu dūm nawtortee), ley jamirooje kokketeede banngal no gollal yahrata e nokku fu do dii kibaaruuji mbaawi yaajineede, faa dūm holla hooreebe sordaasiibe laawol lobbol jeyngol gollireede. Feddeejji kabdooji e malfaaji na kaani nawtoraade no buri woodirde fu di sardiiji.